



PAMFLET
252^a





Discours veritable sur ce qui
est adueni touchant l'alborote
& esmotion des Espaignolz
MYTINEZ ES ISLES DE ZELANDE
incontinent apres la prinse de Ziericzee,
le second de Iuillet 1576.



Auec Preuilege de sa Maieſté

¶ Imprimé en la Ville de Bruxelles, par Michiel
de Hamont, Imprimeur juré
de sa Maieſté, l'An.
1576.

252 a

44

D

nō
est
pla

Ma
adu
uo
(se
me
do
tre

uie
 con
 cte
 rier
 auc
 del
 uo
 fol

DISCOVRS VERITABLE SVR CE QVI

est aduenü, touchant l'alborote & esmotion des Espaignolz mutinéz es Isles de Zelande incontinent apres la prinse de Ziericzee, le second de Iuillet 1576.



ORS quelon estoit encoires deüant la ville de Ziericzee, les soldatz Espaignolz estants audict siege, declairoient à plaine bouche ouuertement, que incontinent la rendition de ladicte ville, ilz se vouloient retirer & se venir refreschir en Brabant, & nōmeement en la ville de Bruxelles, où ilz disoient auoir esté mal traictez, vsants de plusieurs brauades & propos plains de menaces.

Dont Meisseigneurs du Conseil d'estat commis per la Maiesté au gouuernement general des Pays depardeça aduertiz, cognoissants que par là, la victoire que lon debuait esperer de l'ennemy en vsant de l'occasion presente (selon que ledict ennemy estoit pressé) auoient par tous moyens procuré d'empescher ce desseing, en raschant de donner contentement tant à ceulx que aux Walons & autres ayants serui en ce siege.

Tellemeēt que lesdicts Seigneurs du Conseil, pour obuiuer à ceste mutinerie apparente, auroient declairé estre contents que les cent mil florins dōnez par ceulx de ladicte ville de Ziericzee, fussent repartiz entierement sans rien reseruer entre lesdicts gens de guerre, ayants assisté audict siege, & que oultre ce, lon procederoit au descōpte desdicts soldatz avec secours telz que seroiēt en leur pouuoir, dont en raison se debuoyent bien contsnter lesdicts soldatz.

A ij. Ce

IV Ce non obstant, lesdictz Espaignolz amutinez auroiēt chassé leurs Capitaines & Officiers, abandonnans les lieux de leurs gardes & forts, & seroient en bien grande furie passé oultre en Brabant, où ayant confirmé leur con iuration soubz le Sacrament de la Messe faicte en leur chemin, sont venuz à Herentals.

Auquel lieu par ordonnance desdicts Seigneurs du Cōseil, s'est trouué vers eulx en personne Monsieur le Conte de Mansfelt, avec pouuoir & instruction, leur ayant de la part d'iceulx Seigneurs offert tout ce que raisonnablement ilz pouuoient demander, & qui estoit au pouuoir desdicts Seigneurs.

Si comme Pardon de leur mesfiz: Leur part és cent mil florins de Ziericzee: trois payes des premiers deniers qui viendront d'Espagne, ou autrement seroient au pouuoir desdicts du Conseil, avec monstre generale.

Ce que n'ayants voulu accepter, demanderent plusieurs choses impertinentes & non faisables: si cōme, Oul tre leurdict payement total, augmentation de soulde: Aulsi quelque bonne ville en leur pouuoir, tant que lon auroit descompté, & qu'ilz seroient du tout contentez, & aultres choses impertinentes.

Et cōbien qu'ilz eussent promis estants en vne ville, de se quieter, attēdant la responce de mesdicts Seigneurs, neantmoins ne cessoient brauiser, veuillants tousiours occuper ledict Bruxelles, & de faict auroient escript lettres don au magistrat de Malines, demandants passaige par ladicte ville, & logement d'une nuit seulement, disants qu'il cōuenoit ainsi pour acheuer leur voyage, ce que leur fust reant fusé par lesdicts de Malines, assistez lors d'une enseigne de tre:

Wa

ét walons, que lon auoit enuoyé à leurs secours.

Quoy voyant, feroient par dehors ladicte ville passé
oultre, & venu loger à Grimberghe, deux lieues dudict
Bruxelles, où furent enuoyees lettres dudict Seigneur
Conte de Mansfelt en response de leursdictes pretensiōs,
qui furent portees par le Capitaine Montesdoca, qui alla
vers eux, auquel dōnerent quelques replicques, non sans
demonstratiō de se vouloir rengier à la raison, promectāts
ne bouger de là, & y attendre la resolution du Conseil.

Au lieu de satisfaire à leurdicte promesse, partent incō-
tinent, tirants au villaige d'Assche, & aultres lieux alen-
tour dudict Bruxelles, avec menaces d'y entrer par force,
& faire plusieurs vengeāces, qui a donné occasion au peu-
ple de s'esleuer, prendre les armes, & se preparer pour se
mettre en defense contre force & violence.

Et depuis a derechief esté enuoyé vers lesdicts amuti-
nez ledict Montesdoca, lequel ilz ont rechassé furieusement
à coups de harquebouzes, sans le vouloir escouter. Ne
antmoins apres l'ont remandé par lettres, pour se trouuer
vers eulx, comme il a faict le lendemain audict Assche, &
luy promirent qu'ilz s'assableroient illecq, pour incōti-
nent enuoyer toute response & resolution, dont ilz don-
nerent grande assurance.

Au cōtraire dequoy, & au lieu d'enuoyer leur dicte res-
ponse, au mesme iour sont partiz de là, & à l'impourueu
ont donné l'assault par diuers costez à la ville d'Alost, y faisant
toute hostilité, & tué plusieurs, tant paisans que bourge-
ois, mesmes pendu deuant la porte de la Ville vng serge-
ant officier du Roy. Tellement que de nuict feroient en-
trez de force & hostilemēt en ladicte ville, avec cris espou-
uen-

uérables, faisants les insolences que bon leur a semblé.

Ce que a donné trefuiste occasion ausdicts Seigneurs du Conseil (voyât leur desobeissance si obstinee, & preiudiciable au seruice de Dieu & du Roy) pour les mesuz & actes susdicts, mesmement qu'ils continuoient encoires leurs menaces sur les villes de Bruxelles, Anuers, Malines, de les declairer desobeissants, rebelles & ennemis du Roy & du pays, entendant proceder à leur chastoy tel que sera trouué conuenir pour les remectre en l'obeissance de sa Maiesté, & des chiefs que sa Maiesté leur a commis, pour aussi faire cesser plus grandes reuoltes des subiects, se voyants ainsi indignement & sans leurs merites traictez des propres gents de guerre de sa Maiesté, qui les debuient defendre.

Et partant comme ceste voye de declaratiō ne s'extend ailleurs ny à aultre fin, que contre lesdicts amutinez, ayants si violentemēt traicté les subiectz de sa Maiesté, mesdicts Seigneurs ont bien voulu le faire entédre par tout, afin que chascun scache le grand tort desdictz amutinez, & avec quel fonde-ment lesdicts Seigneurs ont esté contrainctz à faire ladiôte declaration, & de proceder contre eux par la voye qu'ilz sont d'intentiō faire pour conseruer les pays, & trouuer moyen de renger lesdictz amutinez à la raison, & en l'obeissance & debuoir qu'ilz doibuent au seruice de sa Maiesté, & non (comme lesdictz amutinez s'efforcent faulsemēt persuader aux autres soldatz) en intention de frustrer les gents de guerre de leur iuste payement, soyent Espaignolz, walons, Allemans haults & bas, & autres de quelque natiō qu'ilz soyēt, aux quelz lon entend satisfaire de leurdict deu, avec assurance que lesdictz Seigneurs donneront tout ordre, que soit cependāt raisonnement pourueu à leurs prestz & secours, tāt que

que les descomptes faictz, & prouisions de sa Maiesté ve-
nues, ensemble assistance des Estatz, ilz ayent moyen de
satisfaire à tous, comme est l'intention de sa Maiesté, &
la leur.

Defendant bien expressement par sa Maiesté, pour n'al-
lumer le feu plus de ce qu'il n'est, que personne quel qu'il
soit, gents de guerre, ny aultre quel qu'il soit, n'ait à se
joindre, ou tenter quelque chose sur villes, forteresses, vil-
laiges, ou subiectz, en façon que ce soit.

Commandant pareillement à tous Chiefz & Capitai-
nes de gents de guerre, de tenir en bon ordre & discipline
leursdictz gents, sans les souffrir sortir de leurs garnisons,
ny faire desordres quelzconques, & à tous Gouver-
neurs, Officiers, Magistratz des pays & villes, aussi aux sub-
iectz, de ne toucher aux personnes des gents de guerre,
estants en leurs garnisons, & non estants alborotez ny
mutinez, afin que lon viue en bonne paix & vnion paren-
semble, comme il conuiét à subiectz & personnes estants
au serment & seruice de sa Maiesté. Faict à Bruxelles, le
second jour du mois d'Aust. 1576.

Par ordonnance de Mesdicts
Seigneurs du Conseil d'Estat.

Et soubzsigné,

Berti.

les d'ordonnance de Melchior
Seigneurs du Conseil d'Etat
Par ordonnance de Melchior
Seigneurs du Conseil d'Etat

En l'année de la naissance de
notre Seigneur Jesus Christ
de l'incarnation de la Marie
de l'Ange de la Vierge
de l'Ange de la Vierge
de l'Ange de la Vierge

En l'année de la naissance de
notre Seigneur Jesus Christ
de l'incarnation de la Marie
de l'Ange de la Vierge
de l'Ange de la Vierge
de l'Ange de la Vierge



Par ordonnance de Melchior
Seigneurs du Conseil d'Etat

Et sous le sceau

Berlin

